

三篇同卷

上清秘訣

靈寶黃籙章法

太微結帶真文



三篇同卷

上清經祕訣

靈寶鍊度五仙安靈鎮神黃繒章法

上清太微帝君結帶真文法

上清經祕訣

按經旨叩齒思神默
想念之乃得飛昇

夫大道一乘分為三洞故教開漸頓人有賢
愚設法隨機要在合道然戒以防非止惡制
斷六情籙者進品登仙遠超三界故道性品

云戒行攝衆生錄引歸真一自淺之深非無
優劣從凡入聖各有等差以正一仙靈爲初
戒以玉清昇玄爲畢錄通玄合道契真言象
以宗其道師其人行其教遵其禮朕聞寥廓
之際真宰存焉溟滓之初聖人利見其教善

階六

貸而不有其道日用而惟新則煥乎雲篆仙
書祕于瑤篇玉簡非握圖受錄之主不能行
其教非栖真擇賢之士不得闕其文明真有
五科太上留十戒我國家冒白雲之積慶承
玄元之妙旨合德二儀同光五聖皆以至道

滋萬類敦德臨兆人上清經云三洞者一曰
洞真二曰洞玄三曰洞神各有一十二門分
爲三十六部尊經上應三清三十六天下應
九壘三十六官府故人頭有九宮心有九孔
臍有九神形有九戶三十六所也九天生神
經云人受生於胞胎之中三元育養九氣結
形九月神布氣滿能聲身尚神具九天稱慶
太一執符帝君品命主錄勒籍司命定筭五
帝監生聖母衛房天神地祇三界齊臨亦不
輕也登真隱訣云所論一理者即是一切衆

生身中清淨道性道性者不有不無真性常在所以通之爲道道者有而無形形而有情變化不測通於羣生在人一身爲神明所以爲心也所以教人修心即修道也教人修道即修心也道不可見因生以明之生不可常階六用道以守之生亡則道廢合道則長生也二

上清經祕訣

靈寶鍊度五仙安靈鎮神黃縉章法

洞玄靈寶赤帝先生至真大法師 臣某甲稽
首上言

上上上一氣一氣上上上无極无頂无色无
光遼廓至真大道元始天尊三十二帝太上

大道君玉陛下臣承元始大化諸天開宥幽
牢地獄三塗五苦餓鬼死魂並出長夜一切
光明皇道既陶死骸還人三界清肅土府太
平請以滅度託尸太陰寄形地官功微德少
未蒙者皆依女青符命隨所統領安慰撫卹

供給營衛不得搖動使還託生人身是時諸
天大聖衆无極太上帝君五老上帝飛天
神王南昌上官長生司馬好生真君諸元
靈妃玄和王女諸真人七千二百四十童子
同時彈指普告諸天諸地諸水日月星宿璇

階六

三

璣玉衡五帝五嶽諸靈山地府三官九署十
二河源洞極洞淵無高無下無深無遠無邊
無際無大無小無窮無極一切神靈咸使聞
知金篆玉書以付玄和王女約以今爲新奉
大法不得有偏雖經天地大運正文甚明今

承女責上官舊典申明聖道爲某郡某縣鄉
里清信弟子男女某甲年若干歲本命丙午
赤帝領籍七月受炁丹天稟先功未滿履在
穢世塵濁所染應在滅度託命太陰寄形土
官今於中天某鄉里中安宮立室以爲住止
功微德少未能自還今爲土府所見馳逼不
相容安魂飛魄颺尸形無寄謹依明真大法
金篆玉書之文上請諸天自然玉字女青符
命告下某天中九土靈官安鎮某甲身形骸
地宅請下九炁青天蒼靈生神真人從東嶽

仙人乘蒼龍九千萬騎九炁天文青帝女青
符命下東鄉九土諸靈官開長夜之府九幽
地獄拔出某甲魂神還付故宅應轉者轉應
度者度應生者生應還者還未得生者明安
尸形撫卹營衛不得搖動如女青文以青紋
之繒九十尺或九尺以奉九炁天君為拔度
之信又請下三炁丹天赤靈生神真人從南
嶽仙人乘赤龍三千萬騎齋三炁天文赤帝
女青符命下南鄉九土諸靈官開長夜之府
九幽地獄拔出某甲魂神還付故宅應轉者

轉應度者度應生者生應還者還未得生者
明安尸形撫卹營衛不得搖動如女青文以
赤紋之繒三十尺或三尺以奉三炁天君為
拔度之信又請下一炁黃天黃靈主魁神鈕
總生真人從中嶽仙人乘黃龍萬二千騎齎

隋六

四

一炁天文黃帝女青符命下中央无極无窮
无高无下无深无遠无邊无際土府一切諸
靈官開長夜之府九幽地獄拔出某甲魂神
還付故宅應轉者轉應度者度應生者生應
還者還未得生者明安尸形撫卹營衛不得

搖動如女青文以黃紋之繒一百二十尺或
一十二尺以奉一炁天君爲拔度之信又請
下七炁素天白靈生神真人從西嶽仙人乘
白龍七千萬騎齋七炁天文白帝女青符命
下西鄉九土諸靈官開長夜之府九幽地獄
拔出某甲魂神還付故宅應轉者轉應度者
度應生者生應還者還未得生者明安尸形
撫卹營衛不得搖動如女青文以白紋之繒
七十尺或七尺以奉七炁天君爲拔度之信
又請下五炁玄天玄靈生神真人從北嶽仙

人乘玄龍五千萬騎齎五炁天文黑帝女青符命下北鄉九土諸靈官開長夜之府九幽地獄拔出某甲魂神還付故宅應轉者轉應度者度應生者生應還者還未得生者明安尸形撫卹營衛不得搖動如女青文以黑紋

階六

五

之繒五十尺或五尺以奉五炁天君為拔度之信又以上金五兩或鐵五十斤以奉五帝安鎮五方某甲今應在開度之例九土地官各依部界經營侍衛供給有無令形安神守魄不颺散須待功成當反舊宅受津而生願

五帝哺飴太和元精導炁養神飲以三光玄
注洪泉玉芝自充光華早瑩澧溢早香魂遊
上清衣食自然下附宮宅與景合并不相遠
離同受化生今日大慶度人無量開度一切
莫不咸從尊承舊法列功諸天有違女青削
官罰形盟如舊制金龍驛行謹以表聞伏須
告報巨某誠惶誠恐死罪死罪稽首再拜以

聞

空三行

臣姓某屬郡縣鄉里

上上上一氣一氣上上上无極无頂无色无

光遼廓至真大道元始天尊三十二帝太上
大道君太清玉陛下

太歲某甲子某月某日某時於某處黃素
章表一通金龍上呈

女青舊典以朱筆書此文於黃繒上師於亡
人所在子時北向燒五香火施安五鎮而奏
上黃繒章露文一宿明日平旦各埋文方面
以鎮神安形行之者女青文曰九祖幽魂皆
即出長夜身入光明三官判對天堂記名供
其厨飯三十二年皆還其故形而更生也未

得還者形骸故宅則爲五帝侍衛地祇營護
安慰撫卹無有搖動不出百年無不化生而
得還於人道也三界簿錄甚有分明智者洞
其至理考其善惡緣對報應明不虛言愚者
任命謂之不然三官塗炭甚可哀哉

隋六

六

天真皇人曰昔赤明天中有道士姓鄭字仁
安功德未滿死於常山北戎之阿其子仲明
師玄和先生以此文鎮仁安尸形宮宅三十
年仁安被度應還人中而爲獵人所燒形骸
鬱然而起今爲上官南帝老君得道之跡今

題太極上宮南軒甚有分明也

天真皇人曰昔善忍國有道士姓琨字信然
師無常童子受靈寶滅度昇天之傳功德未
足死於青元山中埋尸於流生之洲無常童
子以此文鎮其尸形百年而遇洪水所蕩於
此化生今受號為元靈老君南宮書其道跡
在紫微之館

天真皇人曰昔棄賢世界有道士姓浩字敷
明少好山水棄家遠游功德未滿死於地鏡
山下其子少信就北郭先生受此文鎮敷明

尸形七百年被水火鍊度而得還人中後師
黑文 受昇天之傳今爲玄老之帝南宮今
書其道跡在北元玄窻

天真皇人曰中元天中南浮黎世界有道士
姓王字度明少出遊學從屠真公受五篇文

附六

昇仙之傳功德未足死於東山廣靈之阿其
子景秀詣戴仲君受此文以鎮尸形九十年
遭東山大荒人民掘土覓食發其死尸而即
化生後道成昇天爲景霄真人

天真皇人曰此諸君皆積學滅度道業垂成

而得受此文以還生人中皆超虛步空上昇
金闕受號自然也其並非悠遠世人所不能
明考其近衍門子師夜光高丘子師石公洪
崖先生師金母並受靈寶滅度五鍊之法昇
天之傳衍門死於漁陽洛縣長丘山高丘子
死於中山聞喜縣高附山洪崖先生死於武
威姑蘇縣浪山中並受此文以鎮其墓衍門
子四十年墓崩而形化後入蒙山大洞黃金
之庭受書為仙卿高丘子七十二年墓為人
所發腐棺而形飛今為中嶽真人洪崖先生

一百二十年墓開尸形飛騰受書爲青城真人此之諸賢並受滅度之法昇天之傳鎮靈道而得崇虛凌清策空高霞遊宴紫微受號真人也此之近事非復悠遠之傳元始天王令披元始之寶藏以告太極上仙遇之者將前生萬劫錄名上清應得仙道也諸天男女可不承女青之音祕而寶之焉

靈寶鍊度五仙安靈鎮神黃縉章法

上清太微帝君結帶真文法於一名交帶文出

右出洞真第四部卷第三十一陸先生真本

具出色數如左

本科受齋三十日晚金八兩鈕九雙按此法

太微帝君清齋玉天受於高上玉皇分靈盟

階六

於九戶結中帶於天門投誓信於太空告命

於九玄攝五靈於玉宇召萬騎於無間之道

亦曰交落之文也

其法首上部九符即是高上玉皇未兆於九

空之中結自然之精出於玄母之胞澄鍊瓊

胎以化成九帝之符以黃筆書之北向服之
變形易容得見太微帝君乘飛霞羽蓋遊戲
玄都也

中部九符即是九天清凝之炁結成自然之
章經於九玄之母化生靈文以青筆書之北
向服之得見太微帝君乘空飛行上昇九天
也

下部五符是五帝未分之初於虛无之中結
空洞之精鍊九玄之母化生成文當以朱筆
書之向西服之而有五色精光乘空飛行上

昇太清男以白紋女以紫紋令廣九寸長九
尺按次書之其下文云七祖充責萬劫不原
皆如高上紫素盟文者此言依高上之旨已
成真入合度紫素之文也故其首云當傳後
聖得道之人是也

卷六

九

上清太微帝君結帶真文法



